

ANG CRISTOHANONG KINABUHI, ANG IGLESIAHANONG KINABUHI, ANG PAGKAHINGPIT SA PANAHO, UG ANG PAG-ANHI SA GINOO

(Sabado—Sesyon sa Gabii)

Mensahe 6

Mosulod sa Tiunayng Kahulogan sa Realidad sa Lawas ni Cristo— ang Kinahabogang Punto sa Pamatigayon sa Dios ug ang Kinalabwang Pinadayag sa Biblia

Basahong Kasulatan: Efe. 1:17, 22-23; 3:3-5, 9;
1 Cor. 12:12, 24-27; 2 Cor. 11:28-29; Rom. 12:3-5

- I. Ang realidad sa Lawas ni Cristo mao ang kinahabogang punto sa pamati-
gayon sa Dios ug ang kinalabwang pinadayag sa Biblia, nga gipadayag
pinaagi sa espiritu sa kaalam ug pinadayag—Efe. 1:17, 22-23:**
 - A. Nagkinahanglan tag pinadayag aron makaila sa realidad sa Lawas ni Cristo ug makasulod sa ginsakpan ug tiunayng kahulogan sa realidad sa Lawas ni Cristo nga maoy gitinguha sa kasingkasing sa Dios ug ang kinataposang tuyo Niya—vv. 5, 9-11, 22-23; Rom. 12:1-2.
 - B. Ang pinadayag ra sa Dios ang makapasulod nato sa ginsakpan sa realidad sa Lawas ni Cristo, ug sa ingon niana ra masinati nato ang Lawas—Buh. 9:1-5, 15; 26:18-19; Efe. 1:17-23; 3:3-5, 9; 1 Cor. 12:12.
 - C. Ang sekreto nga makakita ta sa langitnong panan-awon sa kinataposang tuyo sa Dios ang pagkaandam man natong mobayad sa bili alang niini—Mat. 5:3, 8; 6:22; Sal. 25:9, 14; Bug. 3:18.
- II. Ang mga mananaog nga gihulagwayan sa Sion mao ang realidad sa Lawas ni
Cristo ug maghingpit sa pagtukod sa Lawas diha sa mga iglesia lokal aron
mapadangat ang nahingpit na nga balaang syudad, ang Bag-ong Jerusalem,
ang Dapit Labing Balaan nga puluy-anan sa Dios sa eternidad; sa bag-ong
langit ug bag-ong yuta, mahimo unyang Sion ang tibuok Bag-ong Jerusalem,
uban sa tanang magtutuo isip mga mananaog— 21:1-3, 7, 16, 22:**
 - A. Ang mga mananaog nga gihulagwayan sa Sion nga realidad sa Lawas ni Cristo mao ang kinahabogang punto, sentro, pagpausbaw, paglig-on, pagpadato, katahom, ug realidad sa iglesia—Sal. 48:2, 11-12; 50:2; 20:2; 53:6.
 - B. Naggikan sa Sion (sa mga mananaog) ang mga kinaiya, kinabuhi, panalangin, ug pagkaestablisar sa Jerusalem (sa iglesia):
 1. Sa 1 Mga Hari 8:1 naa sa Jerusalem ang mga anciano, ug naa sa Sion ang Arka sa Pakigsaad.
 2. Niingon ang Salmo 51:18 nga gibuhat sa Dios sa Sion ang gikahimut-an Niya ug gitukod ang mga paril sa Jerusalem.
 3. Niingon ang Salmo 102:21 nga gimantala ang ngalan ni Jehova didto sa Sion ug gimantala ang Iyang pagdayeg didto sa Jerusalem.
 4. Niingon ang Salmo 128:5 nga nagpanalangin si Jehova gikan sa Sion ug nakita ang pag-uswag sa Jerusalem.
 5. Niingon ang Salmo 135:21 nga nagpuyo si Jehova sa Jerusalem apan daygon Siya gikan sa Sion.

6. Sa Isaias 41:27 gimantala una ang pulong sa Sion ug unya gisangyaw sa Jerusalem.
 7. Niingon ang Joel 3:17 nga sa pagpuyo sa Dios sa Sion, mabalaan ang Jerusalem.
 8. Nangita ang Dios karon sa usa ka gatos ug kap-atag upat ka libo diha sa napilding iglesia, ang mga motindog sa Bukid sa Sion—Bug. 14:1-5.
- C. Kanunayng nigamit ang Dios og pipila ka magtutuo nga mopasa sa agay sa kinabuhi ngadto sa iglesia ug modasig pag-usab sa iglesia; tungod ug alang sa iglesia, nibarog ang mga mananaog sa kadaogan ni Cristo taliwala sa mga pag-antos; mangamuyo gyod ta sa Dios nga buhaton sa sulod nato ang pagkaandam nato nga magpabuntog, magpabihag, ug magpapildi ni Cristo aron mahimo Siyang Mananaog sa atong kasinatian—Fil. 2:13; 2 Cor. 2:12-14.
- D. Sa tipolohiya, ang mga mananaog, ang nahingpit ug nahamtong na nga mga Dios-tawo, maoy Sion karon sulod sa Jerusalem karon (sa iglesiahanong kinabuhi)—Heb. 12:22, Bug. 14:1-5:
1. Naa gyod untay grupo sa mga mananaog diha sa iglesiahanong kinabuhi, ug kining mga mananaog maoy Sion karon.
 2. Kon walay Sion (ang mga mananaog), dili makapadayon ug mamintinar ang Jerusalem (ang iglesiahanong kinabuhi); kon walay mga mananaog sa iglesia lokal, samag Jerusalem nga walay Sion kanang iglesiaha; masama kinig hiyos nga ligid.
- E. Ang pahiuhi sa Ginoo pagtukod man sa Sion—ang mga mananaog nga realidad sa Lawas ni Cristo nga mahingpit sa Bag-ong Jerusalem; diha sa iglesiahanong kinabuhi maningkamot gyod ta nga makaabot sa Sion karon—Efe. 1:22-23; 4:16; 1 Cor. 1:2; 12:27; Bug. 14:1; 21:2; Sal. 84:5.
- F. Ang realidad sa Lawas ni Cristo hiniusang pagkinabuhi man sa nahingpit na nga mga Dios-tawo, sa mga mananaog, nga tinuod gyong mga tawo nga wala magkinabuhi sa ilang kinabuhi kondili sa kinabuhi sa nahikay nga Dios, nga ang mga kaayo napadayag sa maayong kagawian nila—Fil. 4:5-9:
1. Dinaliang gikinahanglan sa Ginoo ang mga mananaog nga dunay Dios-tawong pagkinabuhi nga maoy realidad sa Lawas ni Cristo nga ipadayag diha sa mga iglesia lokal; kon walay igong pagpadayag sa Lawas, dili mobalik si Ginoong Jesus—Efe. 1:22-23; 4:16; 5:27, 30; Bug. 19:7.
 2. Gikinahanglan sa Ginoo ang mga mananaog nga motuman sa pamatigayon sa Dios aron mabatonan ang Lawas ni Cristo ug malaglag ang Iyang kaaway; kon wala ang mga mananaog, dili matukod ang Lawas ni Cristo, ug kon dili matukod ang Lawas ni Cristo, dili makabalik si Cristo alang sa Iyang pangasaw-onon—Efe. 1:10; 3:10; Bug. 12:11; 19:7-9.

III. Aron hiniusang makakinabuhi uban sa ubang bahin diha sa realidad sa Lawas ni Cristo, magmabination gyod tang tanan sa Lawas ni Cristo—1 Cor. 12:24-27; 2 Cor. 11:28-29:

- A. “Sa pagpanudlo ni Brother Nee bahin sa Lawas, niingon siya nga bisan unsay buhaton nato, hunahunaon gyod nato unsay bation sa mga iglesia bahin niini”—*The Problems Causing the Turmoils in the Church Life*, pp. 28-29.
- B. Dili mahimong magkinaugalingon o magtinagsa ba diha sa Lawas, kay mga bahin man ta, ug dili mabuhi ang mga bahin nga mabulag sa Lawas—1 Cor. 12:27; Rom. 12:5; Efe. 5:30.
- C. Ang pagkinabuhi nato lakip na sa tanang naa nato naa man sa Lawas, pinaagi sa Lawas, ug alang sa Lawas; kini ang tawong gipangita sa Dios karon; luwason unta ta sa Ginoo sa pagtinagsa.

- D. Kadtong nakakita nga mga bahin sila sa Lawas magmahal gyod sa Lawas ug magtahod sa ubang bahin; sa Lawas ni Cristo bahin ang matag usa ug bahin ra gyod siya; busa, walay bahin nga mabuhi kon wala ang ubang bahin, labi na gyod kon tamayon niya sila—1 Cor. 12:15, 21, 23-24; Rom. 12:3; Fil. 2:29; 1 Cor. 16:18; Huk. 9:9.
- E. Dunay kagamitan ang tanang bahin, ug alang sa Lawas ang tanang kagamitan; ang kagamitan sa usa ka bahin kagamitan man sa tibuok Lawas; tungod niini dili gyod ta moawat sa ubang bahin o maibog ba nila (1 Cor. 12:15); maingon man sab, dili gyod ta motamay sa ubang bahin, maghunahuna nga mas maayo ug mas mapuslanon ta (v. 21); bahin sa Lawas ni Cristo ang matag usa ka magtutuo, ug kinahanglanon gyod ang matag usa ka magtutuo.
- F. Nagpakita ang tanang ngalang gihisgotan ni Pablo sa Colosas 4:7-17 nga duna siyay pagbati sa Lawas isip usang bag-ong tawo:
 1. Nagpakita sab ang tanang ngalan nga wala gyod untay mga kalainan diha sa kaiglesiahan—ang gisulat ni Pablo ngadto sa mga taga-Colosas alang sab sa mga taga-Laodicea, ug ang gisulat niya ngadto sa mga taga-Laodicea alang sab sa mga taga-Colosas; unsa nga panag-ambitay, pagkausa, harmoniya, ug suod nga pagkontakay ang gipasabot niini!
 2. Gisugo ni Pablo si Tiquico nga ipahibalo sa mga taga-Colosas ang tanang may kalabotan niya tungod sa pagbati niya sa Lawas nga usang bag-ong tawo.
- G. Kinahanglanon sa pagtubo ug pag-ugmad sa Lawas nga moila ang matag usa nato sa atong sukod ug dili molapas niini; kat-onan gyod nato nga masakot sa ubang igsoon—1 Cor. 12:15-18; 2 Cor. 10:13-14.
- H. Masayod gyod unta ang matag usa ka bahin sa kaugalingon niyang kapasidad ug dili mag-isip sa iyang kaugalingon nga labaw sa angay niyang isipon; kon buhaton kini sa tanan, wala gyoy pagpangabugho, pagpangambisyon, o pagpangandoy ba nga mobuhat sa mabuhat sa uban—Fil. 2:2-4; Rom. 12:1-5.
- I. Hain ngani naay pagbugna sa Lawas, naa gyoy pagbati sa Lawas, ug hain ngani naay pagbati sa Lawas, mawala gyod ang makinaugalingong hunahuna ug pagbuhat:
 1. Kon buot tang makaila sa kinabuhi sa Lawas, ipahigawas gyod ta dili lang sa masal-anon ug natural natong kinabuhi kondili sa makinaugalingon sab natong kinabuhi.
 2. Magpahigawas nato sa sala ang pagkakita nato ni Cristo; magpahigawas nato sa pagkamakinaugalingon ang pagkakita nato sa Lawas; dili ta makasulod sa ginsakpan sa Lawas pinaagi sa bisan unsa kondili sa pagkakita ra.
 3. Ang wala nato mahibaloi, mahibaloan sa ubang bahin sa Lawas; ang wala nato makita, makita sa ubang bahin sa Lawas; ang dili nato mahimo, mahimo sa ubang bahin sa Lawas—1 Cor. 12:17-22.
 4. Kon dili ta magpatabang sa atong mga isigka-bahin, dili ta magpatabang ni Cristo; sa madali o madugay, mauga gyod ang tanang makinaugalingong Cristohanon; matukod ang tibuok Lawas pinaagi sa pagsaligay sa mga bahin—v. 12.
 5. Daghan nato ang nakasinati nga kon mauga ta ug dili na gyod makapadayon, nagkinahanglan ta sa ubang igsoon nga mangamuyo alang nato ayha ta makalabang—Efe. 1:16; Col. 1:9; Fil. 1:19; 1 Tes. 5:25; 2 Tes. 3:1; Col. 4:3; Heb. 3:18.

IV. Aron matinuod ang Lawas ni Cristo, gisakot pag-usa sa Dios ang Lawas (1 Cor. 12:24); nagpasabot ang pulong *gisakot* og “gipahiangay,” “giharmoniya,”

“gipahaom,” ug “gisagol,” nga nagpasabot og pagkawala sa mga kalainan; ang tuyo sa panagsakot pagpasulod man kanatong tanan sa realidad sa Lawas ni Cristo:

- A. Maanaa gyod ta sa mga iglesia lokal aron madala ta ngadto sa realidad sa Lawas ni Cristo nga tumong.
- B. Ang kinahabogang punto sa pahiuili sa Ginoo nga tinuod, praktikal, ug aktwal gyong makatuman sa pamatigayon sa Dios dili man pisikal nga pagpalugwa sa Dios og daghang iglesia lokal kondili sa organicong Lawas nga mahimong organismo Niya.
- C. Ang hunahuna ni Pablo sa iglesia ingog usang tinapay (10:17) dili man kaugalingong imbensyon niya; gikuha hinuon kini sa Daang Tugon nga dunay halad nga lugas (Lev. 2:4); gisagolag lana ang tanang bahin sa harina sa halad nga lugas—panagsakot kana.
- D. Halos walay namulong bahin sa panagsakot kay dili lang kini habog ug lalom kaayo kondili mysteryoso sab kaayo; dili kini pisikal nga butang; ang kahulogan sa panagsakot nato mao ang realidad sa Lawas ni Cristo.
- E. Aron masakot alang sa realidad sa Lawas ni Cristo, moagi gyod ta sa krus ug magbuhat pinaagi sa Espiritu nga magpaambit og Cristo sa uban alang sa pagtukod sa Lawas ni Cristo.
- F. Nagpasabot ang panagsakot nga mohunong gyod ta aron makig-ambitay sa uban; kon duna tay pagbati sa Lawas ni Cristo ug naa sa panagsakot ug realidad sa Lawas ni Cristo, dili gyod ta mobuhat og bisan unsa nga dili makig-ambitay sa ubang balaan nga nakigtambayayongay nato, kay mopahaom, mopahiangay, moharmoniya, ug mosagol man nato ang pakig-ambitay.
- G. Sa dili pa mobuhat og bisan unsa ang masigka-magbubuhay, makig-ambitay gyod siya sa ubang masigka-magbubuhay; makig-ambitay gyod ang anciano sa ubang anciano; sa pakigtambayayongay nato diha sa iglesiahanong kinabuhi, sa buhat sa Ginoo, magtuon gyod tang tanan nga dili mobuhat og bisan unsa nga walay pakig-ambitay.
- H. Sige tingaling nagtigom ang grupo sa nangakong mga igsoon apan wala diay masakot; nagpasabot ang pagkasakot nga natandog ta sa uban ug nakatandog ta nila sa pag-agi nato sa krus, pagbuhat sa mga butang pinaagi sa Espiritu, ug pagbuhat sa tanan nga magpaambit og Cristo tungod ug alang sa Iyang Lawas.
- I. Dili pakighigalaay kanang panagsakota kondili panagsakot hinuon ni Cristo mismo nga napahimuslan, nasinati, ug naambitan sa tagsatagsa ka bahin, sa mga iglesia sa distrito, sa mga masigka-magbubuhay, ug sa mga anciano.
- J. Ang panagsakot mao ang Lawas, ang panagsakot mao ang pagkausa, ug ang panagsakot mao ang pagkahiusa.
- K. Ang panagsakot aron man matukod ang unibersohanong Lawas ni Cristo (Efe. 1:23) nga maghingpit sa Bag-ong Jerusalem (Bug. 21:2) isip kataposang tumong sa pamatigayon sa Dios segun sa gikahimut-an Niya (Efe. 3:8-10; 1:9-10).